

Kuannersuarni aatsitassasiorniarusunnermut tusarniaaneq  
Savaatillinniit oqaaseqaat

### Aatsitassanut naalackersuisoqarfimmut

Kujataani Kuannersuarni aatsitassanik qaqutigootumik Uranitalimmik piiasoqarnissaanik tusarniaanermut tunngatillugu, Savaatillit Tuttuutilillu imak apeqquteqarusuppugut aammalu inassuteqarusuppugut:

GML VVM rapportiliani ernumanartut ilagivaat TFS-imiit Narsap imia mingutsinneqarsinnaanera. Tassanilu aamma GML taamak pisoqaratarsinnaaneranut qanoq periartoqassanersoq allassimavaat.

Issuaaneq "Tissalunnerannit Narsami erngup imerneqarsinnaasup pitsaassusaanik sunniineq"

Aammalu "TSF-init kuaartoqarnerata malitsigisaanik Narsami erngup imerneqarsinnaasup pitsaassusaanik sunniineq"

"Kuunniit Napasup Kuua, Kuukasik aamma Landnam-ip kuua imermik tigooqqaavik aqqarsarnertillugu qamikkallarneqarsinnaavoq."

"Radon-inik aniatitsineq akuttunngitsumik alapernaarsorneqartassaaq. Pisariaqarpat pissutsit pitsanngorsarneqareernissaasa tungaanut imeqarfinit aalajangersimasunit imermik pilersuineq atorunnaarsinneqartarsinnaavoq." issuaaneq naavoq. Taakkunani allanneqarsimavoq niggertillugu imaluuniit nunap iluatigootumik TSF-imiit napasup kuanut seerisoqartillugu Narsami imermik pilersuineq unitsikkallerneqartarsinnaasoq.

Tamanna aarlerinarluinnaqqissaartuusoq isumaqarpugut. Narsamimi toqoraavik aalisakkeriivillu tunisassiaasa tunineqarsinnaajunnaarneranik kinguneqassamat.

Aammattaq VVM rapportimi allaqqasoq. Issuaaneq. "Tatsip tasiata aamma Napasup Kuuani katersuuffiusussap imminnut annikitsuaraannarmik atassuteqartut imaluunniit atassuteqanngitsut, nunap sannaani misissuinerit, maannamut ingerlanneqartut, **annikitsuinnaasut** tikkuarpaat." Naalackersuisullu angalatitaat 2019-imi (taakunani ilaallutik nakorsaaneq aatitassanullu naalackersuisoqarfimmi sulisut) oqarlutik Taseq sapuserpat nunarujussuaq tatsip eqqaaviup iluaniilertussa q arlaatigut napasup kuanut atassuteqarnerisooq misissuiffigineqarneqanngitsoq. Sunniutaasinnaasut taamak annertutigittillugit eqqoriaaginnarluni naliliisoqarsinnaangilaq.

Erseqqissarusunnarpoq Rapportimi allaqqasut qulaani issuarneqartut akuerisimagaani taava aamma narsap imia mingutsinneqaratarsinnaanera akueralugu atsiorneqassamat. TASSA imaappoq mingutsinneqassapat allaqqanngilaq aatitassarsiorneq unitsinneqassasoq, allaqavorli. Issuaaneq. "Niggertillugu imaluuniit nunap iluatigootumik TSF-imiit napasup kuanut seerisoqartillugu Narsami imermik pilersuineq unitsikkallerneqartarsinnaasoq."

Flouri:

Issuaaneq."Erngup qarsutsisup pitsaassusaani GWQC-mi tunngavissarititaasut (fluorid eqqaassanngikkaanni) naammassineqarsimasussaapput."

GWQC(erngup imerneqarsinnaasup pitsaassusissaanut Kalaallit Nunaanni malittarisassat) Flouri pillugu GWQC-p inatsisai soqutiginngettut isilligit aaqiivigisariaqanngittut isikkoqartinneqarnera aamma isornartoqartipparput. Tassani rapportimi allaqqasoqanngilaq qanoq annertutigisumik flourip killissarititaa qaangerneqassanersoq. Kisiat Naalackersuisut angalatitaat 2019-imi (taakunani ilaallutik nakorsaaneq aatitassanullu naalackersuisoqarfimmi sulisut) oqaatigaat killissarititamiit 100-riaamik qaangiisoqassasoq. VVM rapport-i taamannak isikkoqartillugu akuerigaani aamma akuerineqassaaq GML flourimik killissamik qaangiisumik killeqanngittumik kuutitsisinnaasasoq.

Kuannersuarni aatsitassasiorniarusunnermut tusarniaaneq  
Savaatillinniit oqaaseqaat

Nunalerinerup eqqorneqarnissaa:

Issuaaneq. "Nassuerutigineqarpoq nunami inuuniarnermi tunngavigineqartut suliniutip ingerlannerani sunnerneqarsinnaasut. Taamaattumillu nunaatillit tikinneqarnermi kingunerisaanik aningaasatigut sunnerneqarsinnaanerat pillugu tulliuttut inuiaqatigiit aningaasaqarnerannut iluaquutaasinnaasut sulissutiginiarneqarput."

GML VSB rapportiliaani nassuerutigineqarpoq nunalerineq eqqorneqarsinnaasooq. Tassanilu eqquinerlunnermi aaqiisutissatut allanneqarsimasooq imaappoq.

Issuaaneq. "Nunat tamalaat akornanni (IFC-p suliaqarnissamut aalajangiussaanut naapertuuttumik) peruserineqartoq malillugu nunaminertanik pisineq taarsiissuteqarnerlu (annertussuseq naapertuuttoq aallaavigalugu)"

GML VSB rapportia taamak isikkoqartillugu akuerigaani taava aamma akuerineqassooq GML aatitassarsiornera pissutigalugu nunalerinermut ajoqqusiilissaguni ajoqquserneqartut pisiaralugit piiginnarsinnaasagaat. Tamanna SAKKORTUNERPAAMIK akuerinngilarput. GML pisinnaatinneqassanngilaq inuusutissarsiutinik pioreersunik peersitsiinarsinnaanissaa.

Issuaaneq. " Nunat tamalaat akornanni (IFC-p suliaqarnissamut aalajangiussaanut naapertuuttumik) peruserineqartoq malillugu nunaminertanik pisineq taarsiissuteqarnerlu (annertussuseq naapertuuttoq aallaavigalugu)"

Erseqqissaasutigerusupparput kalaallit nunaani nunaminertamik pisisoqarsinnaangimmat. Akerleralugulu GML kalaallit nunaani kisiartaalluni nunaminertamik pisisinnaangornissaa.

Sermilimmut imermik kuutitsineq:

Sermilimmut imermit kuutinneqartussaq kviksølv 0.170microgram/Literimut naak imaani tunngavissarititaasooq 0.05microgram-iusooq. 0.170 microgram/L-imut annertugisassaangittut isikkoqaraluartoq kisiat ullormut imeq sermilimmut kuutinneqartartussasooq 20.000.000literiummat kviksølv imaanut kuutinneqartoq uumasunut immap naasuinut immallu naasuatugoorlutik savanut mingutsitserujussuarsinnaanera ernummatsigaarput. Aasaaneranimi savat savaaqqallu 15.000-it sermilimmut tarajortoriarsinnaanissaminnut immap naasortoriarsinnaanissaminnut periarfissaqartarput.

Sermilimmut qinngualanernik aniatitsiniarneq:

VVM Rapport-imi qupperneq 249-umi takussutissiaq 75-imi takuneqarsinnaavoq sermilimmut imip kuutinneqartussap akui.

Taakunani ilaapput pinngoqqaatit radio-p qinngualanernik aniatitsisut. Taakunannga 51,95Bq/L-erimut kuutinneqartassaaq. Inuup naligninnaasumik timaani 8000Bq-mik akoqarpoq. Ullormulli imeq akuaavimmi saliivimmilu atorneqarnikoq 20.000.000 literiummat radiop qinngualanernik Bq uuttuut malillugu ullormut 1.039.000.000Bq aniatinneqartussasooq. Takutitassiani allani ersersinneqartarami aniatinneqartut annerpaafissaasa killerititaat. uanili qinngualanerit pineqalerneranni paaserusunnarpoq SOOQ killissarititaasunik allaqqasooqannginnera.

Kuannersuarni aatsitassasiorniarusunnermut tusarniaaneq  
Savaatillinniit oqaaseqaat

"Aatsitassat pillugit ingerlatallu tamatumunnga pingaarutillit pillugit Inatsisartut inatsisaannut (aatsitassanut ikummatissanullu inatsit) Namminersorlutik Oqartussat nalunaarutaat nr. 8, 26. februar 2020-imeersoq

Imm. 2. Inatsisartut inatsisaatigut anguniagaassaaq suliniutit inatsimmut ilagitinneqartut isumannaallisaaneq, peqqissuseq, avatangiisit, pisuussutiniq atuinermi inuiaqatigiinnilu piujuartitsineq eqqarsaatigalugit naammassiniarneqartassasut aamma pissutsinut nallersuunneqarsinnaasunut naleqquttumik naapertuuttumillu nunani tamalaani akuerisaasumik pitsaasumik ingerlatseriaatsit malillugit."

Inatsi malinneqanngilaq pilersaaruteqaannarnerata ingerlatatsinnik ineriartortsitinissarluarput ukiorpassuannqulersuni uninngatippaat, nunarsuarmi misilittakkat malillugit ilisimavarput aatsitassarsiorneq akuerineqassappat tamanna isumaqassasooq inuussutissarsiutitta ingerlaqqissinnaanginnera, taamaattumik naalackersuisunut sakkortuumik inassutigaarput Kuannersuarni aatsitassarsiorniarneq unitseqqullugu ajoqutigigatsigu, sooruna paasiumanngilasiuk ajoqutigigipput?

Tailings pilligit nunatsinni misilittagaqannginneq taavalu ajivissimik kingineqarsinnaaneri tassa §51-mik unioqqutitsineq

Savaatillit Tuttuutilillu kujataani siammasissumik inissisimasuuvugut. Inuussutissarsiutigit assigiinngikkaluarlutik ataatsimoorussaqaarpugut ataatsimik, tassaasooq tamarluinnatta pinngitsoorsinnaangisarput PINNGORTITAQ. Kialluunniit nalunngilaa inuussutissarsiutit taakkua Kalaallit Nunaanni ulluinnarni inuuniarnermik pinngitsoorneqarsinnaanngitsut. Nunarpullu imminut napatissappat ataavarsinnaasumik, kultorerpullu kinguaatsinnut ingerlatseqqissagutsigu aatsitassanik qaqutigoortunik piaasoqarnissaanut akerliulluinnaratta.

Savaateqarneq tuttuuteqarneq ukiorpassuarni inuussutissarsiutit atortorissaarneq ilutigalugu ineriartortinneqarlutik ingerlanneqarput.

Kuannersuarni aatsitassarsiortoqalissappat inuussutissarsiutit imminut napatiffiusut, aserorluinnassappat. Mingutsitinerit annertuut pilersinneqartussaapput imaanut nunamullu.

`90-ikkut ingerlanerini misileraanerimi qillerinerimi maluginiarneqarsimavoq eqaluit kuummiittut toqorasimasut. Taamatuttaarlu piffissami tassani Sermilimmi eqaluit aamma toqorasimasut.

Narsaminngaanniit illumut; Qaqqat neriniartitsivittut savanik najorneqartarmata. Kuannersuarnilu aatsitassarsiortoqalissappat neriartitsivik annikilleriarujussuassaaq. Taamatuttaarlu Savaatillit Tuttuutullillu Narsap eqaaani Qaqortullu eqqaani pinngitsoornatik akuutissanik ulorianartunik immap sarfaanik ingerlanneqarneratigut savat tuttullu qeqqartorneritsigut mingutsinneqartussaapput.

Kuannersuarni aatsitassasiorniarusunnermut tusarniaaneq  
Savaatillinniit oqaaseqaat

Savaateqarneq Tuttuuteqarnerlu oqaluttuaannanngussanngippat qamannga uummatserput  
tikillugu kissaatigaarput pinngortitamittut uumassusillit piujuaannarnissaanut  
kissaateqaratta. Nunatsinni pilersueqataanerput qatangiinnartikkusunngilarput.

Kujataani nunaateqarnermik uumasuuteqarnermik inuussutissarsiuuteqartuusugut  
misigissutsitigut aalassimaarluta pivugut. Toqqissisimanissamik pisariaqartitsivugut.  
Misigisimavugut inuussutissarsiuterput ulorianartorsiortinneqartoq, piffissamilu sivitsortumi  
taamak misigitinneqarnerput killeqartariaqarpoq. Taamaammat neriuppugut allakkatigut  
tunniunneqartut pimoorunneqarlutik, suliaq ingerlanneqassasoq.

Allakkamut atsiogataasut Narsap nunataani savaatillit Tuttutuunilu tuttuutilik ukuusut:

Hans Janussen Tuttutuuni Tuttuutilik

Aaqqioq Kliest Qorlortup Itinnera

Klaus K. Frederiksen Tasiusaq Sermilimmi savaatilik  
Aviâja Lennert

Ivik Kielsen Qassiarsuk

Joorut Knudsen Qassiarsuk

Karl frederiksen & ellen frederiksen illunnguujuk.

Kuluk frederiksen illunnguujuk

Suulut Hansen & Ninna ottosen qassiarsuk

Henrik Knudsen & elna Jensen Sillisit.

Chris papis ipiutaq

Kuannersuarni aatsitassasiorniarusunnermut tusarniaaneq  
Savaatillinniit oqaaseqaat